

Panimula

Isang ugali ng mga Pilipino ang pagiging mapagmahal sa hayop. Kung minsan, itinuturing pa itong anak ng iba. Pinapakain, katabi minsan sa pagtulog at higit sa lahat ginagamot kapag nagkakasakit.

Ang ibon ay isa sa mga paboritong alagaan dahil sa ang pag-aalaga ng mga ganitong hayop ay nagdudulot ng kaligayahan. Ang ilan dito ay ginagamit sa komunikasyon kahit noong una pa. Marami rin sa atin ay nag-aalaga ng mga ibon upang madagdagan ang kinikita at sa iba ay ito na ang kanilang pangunahing hanapbuhay.

Anuman ang layunin ng pamilya sa ganitong pag-aalaga ng ibon, nararapat na may sapat na kaalaman sa sakit na dala ng mga ibon, lalo na ang mga tinatawag na migratory bird o mga ibong palipat-lipat ng lugar.

Ang birdflu o trangkaso ng ibon ay isa sa mga nakapangingilabot na sakit na dinadala ng ibon o lahat ng uri ng hayop na may pakpak. Ito'y nagdudulot sa atin ng malaking pinsala lalo na kung wala kang kaalaman sa naturang sakit.

Makabubuting malaman mo ang mga impormasyon tungkol sa sakit na ito upang kung hindi ka man makagamot ay makatulong ka sa pagpapabot ng kaalaman upang hindi kumalat ang ganitong uri ng epidemya sa ating bansa.